

亥23

71-741

長沙藥解



承
沙
藥
解

甲
香



長沙藥解自序

聞之呂覽始生之者天也養成之者人也成之者遂其生也
是天人之合也然生之者布帛也菽粟也殺之者若鋒刃若
鼎鑊若水旱若蝗螟生之途未能十一殺之途不止十三何
其生之寡而殺之多也此人事乎抑天道耶玉楸子曰此未
足以爲多也有其至多者焉屠羊說以屠羊傳而羊不哀其
道孤也無何屠牛垣以屠牛傳而庖丁起其黨漸眾牛始哀
矣無何高漸離以屠狗傳而聶政興朱亥出樊噲生其徒愈
繁而狗始悲矣無何白起章邯之屬以戰將名寔成郅都之

輦以刑官著自茲屠人者傳矣風氣開下流眾苟道將爾朱
榮之徒且比肩來索元禮來俊臣之類更接踵至尤而效之
抑又甚焉至於原野厭人之肉川谷流人之血人始哭矣此
良可疾首痛心已而君子未以爲痛也何則大難旣平日不
覩兵革之事耳不聞羅織之經其人死其禍絕往者已矣來
者猶幸夫何庸工羣起而談岐黃則殺之至多而不可勝窮
者無如此甚矣不以戈鋌而人罹鋒刃不事箝網而人遭誅
夷其書多其傳久其流遠其派眾其人已死其禍不絕遂使
四海之大百世之遠盡飲其羽飽其鋒登其梯入其囊水旱

不年有而此無免時蝗螟不歲見而此無逃期痛哉痛哉此
最可痛哭流涕者也其天道乎抑人事耶玉楸子悲先聖之
不作後學之多悖處滑靡波流之日思以一簣障江河垂簾
著述十載於茲矣以爲書者庸工之法律藥者庸工之刀斧
千載大難吾將解之張睢陽曰未識人倫焉知天道天道遠
人理近始欲與之言人理人理玄物性昭今且與之晰物性
恆有辨章百草之志未遑也辛未秋南浮江淮客陽邱墨墨
不得意癸酉仲春之初東郊氣轉北陸寒收遂乃遠考農經
旁概百氏近古以來李時珍作綱目搜羅浩衍援引該洽備

牛扁狗骨之木列鷄頭鴨脚之草採神經怪牒以炫其奇徵
野史稗官以著其富紀載博矣而醜謬不經嗟乎未識人理
焉知物性今欲與之言物性仍兼與之晰人理侍讀吳公駐
馬相過聞之惘然離席進曰惟吾子刪其怪妄歸於簡約以
復炎黃之舊意亦可焉玉楸子伏而唯曰吾無從刪也經傳
炎帝非盡曩文錄出桐君不皆昔義下及餘子更不曉事莠
盛苗穢非種難鋤悉剗爾類利用大耕耳乃取仲景方藥箋
疏之作長沙藥解停筆愴懷中宵而嘆公孫悼倍偏枯之藥
以起死人其藥不靈何則人已死也然以治偏枯則其藥靈

偏枯者半死半生也偏枯之人而使之不枯是半死之人而使之不死也則謂公孫悼之藥能起死人也可今以起死人之藥而治偏枯其藥亦不靈非藥之不靈人之不解也噫前古聖人嘗草木而作經後古聖人依感復而立法欲以生人而後世乃以之殺人由其不解人理不解物性也玉楸子長沙藥性成知其解者旦暮遇之斯拱而俟之耳乾隆十八年歲在癸酉二月昌邑黃元御撰

長沙藥解目錄

卷一

甘草 十二方
白朮 四方

人參 五方

大棗 一方

膠飴 三方

粳米 一方

薏苡 二方

小麥 一方

大麥

神麩

吳茱萸 三方

蜀椒 椒目

乾薑 五方

生薑 二方

半夏 十一方

代赭石

厚樸 六方

枳實 四方

梔子 七方

香豉

瓜蒂 二方

蜀漆 一方

藜蘆

升麻 二方

葛根 三方

赤石脂 二方

禹餘糧

雞子黃



麻仁 一方
白蜜 一方
大黃 十五方
巴豆

共九十四方

卷二

當歸 五方
阿膠 二方
地黃 一方
芍藥 四方

防風
柴胡 二方
黃芩 二方
黃柏 柏皮

白頭翁 一方
秦皮
白蘂
豆黃卷

苦參 一方
梓白皮
李根皮 一方
狼牙 一方

猪膽汁 二方
烏梅 一方
棗仁 一方
山茱萸

艾葉
竈中黃土 二方
新絳
馬通



王不留行 一方
桂枝 十方

羊肉

黄酒

苦酒 一方

川芎

牡丹皮

桃仁 一方

土瓜根 一方

蒴藿

乾漆

紅藍花 一方

敗醬

紫葳

麤虫

蜣螂

驚甲 一方

蜂巢

蝨虫

水蛭

鼠婦

蜘蛛 一方

雄黃 一方

鉛丹

蟾蠩

鉛粉

共四十四方

卷三



黃耆 三方

薯蕷 一方

五味子

訶黎勒 一方

白前

細辛

射干 一方

紫苑

欬冬花

杏仁 二方

薤白

桔梗 四方

橘皮 三方

皂莢 一方

白酒

葱白 一方

麻黃 十方

蘇葉

苦蕒根 三方

苦蕒實 三方

麥冬 一方

天冬

竹葉 二方

竹茹 一方

萎蕤

百合 六方

貝母

白薇

紫參 一方

柏葉 一方

柏實

鷄子白

猪膚 一方

瓜子

知母

石膏 二方



桑根白皮 旋覆花 二方

共四十九方

卷四

茯苓 九方
猪苓 二方
澤瀉 一方
葵子 一方

瞿麥 蒲灰 一方
通草 石韋

茵陳蒿 二方
連翹 一方
澤漆 一方
赤小豆 一方

防己 四方
海藻 商陸根 葶藶 一方

芫花 甘遂 一方
大戟 滑石 二方

戎鹽 一方
硝石 一方
芒硝 二方
赤硝



礬石 二方

雲母

白魚

文蛤 二方

鷄屎白 一方

猪膏 一方

人髮

人尿

棍襠灰 一方

黃連 三方

硃砂 一方

牡蠣 一方

龍骨 四方

附子 四方

烏頭 四方

蛇床子 一方

共五十五方

凡藥一百六十味方二百四十二



長沙藥解卷一

昌邑黃元御坤載著

甘草

味甘氣平性緩入足太陰脾足陽明胃經 備沖和

之正味秉淳厚之良資入金木兩家之界歸水火二氣之間

培植中州養育四旁交媾精神之妙藥調劑氣血之靈丹傷

寒炙甘草湯

甘草四兩桂枝三兩生薑三兩大棗十二枚人參二兩生地一斤阿膠二兩麻仁半升麥冬半

升清酒七升水八升煮三升去渣入阿膠消化溫服一升日三服一名復脈湯治少陽傷寒脈結代

心動悸者以少陽甲木化氣於相火其經自頭走足循胃口

而下兩脇病則經氣上逆衝逼戊土胃口填塞砭厥陰風木



升達之路。木鬱風作。是以心下悸動。其動在胃之大絡虛里
之分。正當心下。經絡壅塞。營血不得暢流。相火升炎。經絡漸
而燥瀆。是以經脈結代。相火上燔。必刑辛金。甲木上鬱。必剋

戊土。土金俱負。則病轉陽明。而中氣傷矣。甲木之升。緣胃氣

之逆。胃土之逆。緣中氣之虛。參甘大棗益胃氣。而補脾精。膠

地麻仁滋經脈。而澤枯槁。薑桂行營血之瘀瀆。麥冬清肺家

之燥熱也。甘草瀉心湯 甘草四兩 大棗十二枚 半夏半升 黃連一兩 黃芩三兩 乾薑三兩 治

太陽傷寒中風下後。心下痞鞭。乾嘔心煩。穀不化。腹中雷鳴

下利者。以下後中氣虛寒。水穀不消。土木皆鬱。升降倒行。脾



陷而賊於乙木。則腹中雷鳴而下利。胃逆而賊於甲木。則心

下痞鞭而乾嘔。君相火炎。宮城不清。是以心煩。甘薑大棗溫

補中氣之虛寒。芩連清泄上焦之煩熱。半夏降胃逆而止乾

嘔也。四逆湯 甘草二兩 乾薑一兩 半附子生一枚 治太陰傷寒脈沉腹脹自利

不渴者。以寒水侮土。肝脾俱陷。土被木賊。是以腹脹下利。附

子溫補其腎水。薑甘溫補其脾土也。脾主四肢。脾土溼寒。不

能溫養四肢。則手足厥冷。四肢溫暖為順。厥冷為逆。方以甘

草而君薑附。所以溫中而回四肢之逆。故以四逆名焉。治少

陰病。膈上有寒。飲乾嘔者。以其腎水上凌。火土俱敗。寒飲泛

長少 卷一 甘草



溢胃逆作嘔。薑甘附子溫補水土而驅寒飲也。治厥陰病汗

出外熱裏寒。厥冷下利。腹內拘急。四肢疼者。以寒水侮土。木

鬱賊脾。微陽不歸。表裏疏泄。薑甘附子溫補水土。以回陽氣

也。通脈四逆湯

甘草乾薑各三兩 生附子一枚

治少陰病下利清穀。手足厥

逆。脈微欲絕者。以寒水侮土。木鬱賊脾。是以下利脾陽頽敗

四肢失溫。是以厥逆。經氣虛微。是以脈微欲絕。薑甘附子溫

補裏氣。而益四肢之陽也。治厥陰病下利清穀。裏寒外熱。汗

出而厥者。以水土寒溼。木鬱賊脾。微陽不斂。表裏疏泄。薑甘

附子溫暖水土。以達木鬱也。四逆散

甘草枳實柴胡芍藥等分爲末。飲服方寸匕。